

امور تحریریه ایچون فؤاد بکه
وامور اداره ایچون آرتین افندی به
مراجعت اولنور.

— ❦ —

مسلكمزه موافق آثار قبول اولنور.
درج اولنمیان اوراق اعاده اولنماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.

— ❦ —

استانبول ایچون سنه لکی مطبعه دن
آلفق شرطیله ۴۰ طشره لره پوسته
اجرتیله برابر ۶۰ غروشدرد.

نسخه سی ۱ غروش

پنجشنبه کونلری نشر اولنور ادبی، فنی وصناعی غنیه در ❦

نسخه سی ۱ غروش

بويله بر منبع واسطه سيله بالجمله محصولات
کيمويه — هر زمان، هر حاله و کره ارضک
هر نقطه سنده — غایت قولای و جزئی
مصرفه استحصال اولور .

« مواد غذائیه اعمالی » کبی فن کیمیا
تعلق ایدن بر مسئله مهمه نک تصرف دائره
سنده حافی اوراده بوله جغز . مسئله غذائیه
بر مسئله کیمویه در . قوت، تصرف ايله استحصال
اولدینی زمان هرشیدن مأکولات استحصال
رینه باشلانیه جقدر . بر کون کله جک که
انسانلر ییه جکلری شیرک کافه سنی فابریقه
لردن اشترا ایده جکلر !

« قوه کیمویه نک حکمفرما اولدینی بويله
بر زمانه کائناتک شمیدیکی لطافتی محو و نابود
اوله جق ظن ایتیمیکر : واقعا اوزمان انسانلر
— بوکون زراعتله لطافتی بوزدیغمز —
یر یوزندن استفاده ایتیمیه جکلر سده
شمیدیکی زمردین چنلر ، لطیف اورمانلر ،
ازهار کونا کونی حاوی حدائق یه موجود
اوله جق .

« خلاصه روی ارض بر روضه بهشت آسایه
دونه جک والسلام ! نه او؟ بويله بر دور سعادتده
عمر گذار اوله جق اولان انسانلرک حاللرینه
غبطه می ایتدیکر؟ حقکرده وار آ؟ صاقین
ظن ایتیمیکر که شورفاه عامه، نوع بشری
عطاکه، اخلاق سزلفه سوق ایدر . معلوم آ
سعی و غیرت، سعادت حال ايله توأمدر . « فنک
ترقیسی نسبتنده سعی و غیرتده تزايد ایدر »
سوزی مداد زرینله تحریر شه شایاندر .

« اوزمان رفاهده، فعالیت بشریک زیاده
اوله جق جهته : « سعی و غیرت » منبع فضائل
کونا کوندر « قاعده کلیه سنک حکمی جاری
اوله جق » .

« اوزمانکی انسانلر فعال اوله جقلر چونکه
هر کس ثمره سعی و غیرتندن مستفید اوله جقه
« شو سوزلرم شمیدی تخیلات صرفه دن

عبارت کورونه بیلیر سده شوراسی محققدر که
سعادت حال ، فوق المعاده سعی و غیرتله
حصول پذیر اولور .

تاریخ خطوط عتیقه

(مابعد)

مع مافیه اولکی تقسیمات انجق نظریات
جهتجه دوعرو اوله بیلیر؛ علی الاکثر، آثار
بونکله قابل تطبیق دکلدرد . عینی خطده
شکلدن جسمه انتقال ایدلدکن باشقه صرف
« تصویری » اوله رق باشلایان خطوطک
هان کافه سعی بالتدریج هجائی به انقلاط ایتمشدر .
اصل بر حقیقت تاریخیه معادل اولان شی؛
خطوط هجائیه ايله خطوط غیر هجائیه آراسنده کی
فرقندن عبارتدر .

الفبائک ایجاد یازی تاریخنده کی
ترقیات عظیمه اینه ایتیمیکله برابر تاریخ مذکور،
ایجاددن اول و صوکره اولق اوزره طبیعی
ایکی قسمه دخی تفریق ایدر .

شو حالده اثرمز باشلیجه ایکی قسمی
حاوی اوله جقدر که برنجیسی الفبادن اول
مستعمل اولان یازینک تاریخنه انحصار ایلده .
جکدر . بو قسمده یازینک شکل قطعیمی
بولمازدن اول آلدینی صور مختلفه تدقیق
ایدیله جکدر؛ انسانلرک کرک ازمئه متأخره
و کرک ازمئه متقدمهده خطوطی اشکال
صورتندن قورتارمق خصوصنده کی مساعی
واقدماتنه و « خط ترسیمی » نامی ویریلوب
هنوز حال صباوتده بولنان یازیلره
بر نظر عطف ایتدکن صوکره
هیه و غلیف اصوللری ايله، خط چینی
و مسمازینک و خطوط مصریه نک تشکلاتنه
قدر یازینک بالجمله ترقیاتی تعقیب ایده جکدر .
تدقیقات واقعه نتیجه سنده اصول مذ-

کورهنک « تصویری » دن بالتدریج هجائی به یعنی
« تصویری » یا خود « صدائی » به انقلاب ایتدیکی
کوروله جکدر . خطوط مجهونه میا سنده
هپسندن زیاده احراز کال ایتمش اولان « خط
مصری » بزی الفبایه قدر سوق و ایصال
ایده جکدر .

اثر مزک ایکجی قسمنده ایسه فنیکه
الفبائک صورت تشکلی موقع بحثه وضع
ایله یکر می درت حرفدن عبارت اولان بو
انفادن تشعب ایدن دیگر الفبائک هیئاتی
صره سیه نظر تدقیقندن اصرار ایلده جکدر .
بتون بو الفبائک ایکی بیوک شعبه یه آیریلیر :
برنجیسی آوروپا شعبه سی (یونان و لاتین
یازیلری) ؛ ایکنجیسی هند و ایران الفبائک
منشی اولان سامیه شعبه سی .

اوروپالیره عائد الفبائک بحثنده « خط
مختصر » یا خود « خط سریع » ده قاله جغز .
چونکه بو یازیلرک ظهوری ازمئه متأخره یه
قدر امتداد ایدن و یازینک دیگر بر صورت
استعماله تعلق ایله یین بر دور جدیدک حلولی
اشعار ایدر .

شو ایکی قسمدن ماعدا براونجی قسمده
آسیاده بولنوب سامیلرک الفبائکندن تشعب
ایدن بعض یازیلره تخصیص ایدیلده جک ایسه ده
صورت تشکلی قطعاً بیلدیره میه جکمز کبی
تجارب منفرد و مستقله یه منحصر اولان دیگر
بعض الفبائک حقهده معلومات مفصلهده ویره .
میه جکدر .

تفصیلات مبسوطه اشکال مختلفه خطوطی
یکدیگرینه ربط ایدن و یازی تاریخی توحید
ایله یین رابطه منطقیه اینه و اثبات ایده جکدر
صانیرم .

آلتمش سنه ارل خطوط متنوعه
قدیمه نک منشألری حقنده نشر اولان بر
اثرده خطوط مذکور ایچون چینی، هندی،
سامی اولق اوزره باشلیجه اوج اساس قبول

اولنوب آوروپا و آسیاده مستعمل مختلف
القبالك بونلردن تشعب ايله ديكنه اعتقاد
اولنمش ایدی.

(مابعدی وار)

— — — — —

تورات قدسیت دلیل و نسوان بنی اسرائیل

اعصار سالقه وادوار سابقده نسوان
بنی اسرائیلک نه کبی قوانین معیشته تبعیت،
نه کونه آیین اداره بیتیه رعایت ایتدکلینه
دائر احکام مقدسه روحانیه و مندرجات منیفه
توراتیه دن بالاقباس، آوروپا ارباب فنونندن
دوقور (شوچنر) قلندن چقان بر مقاله فواند
اساله تاریخ نقطه نظرندن مطالعه یه شایان کورولدیکی
و مومی الیهک اکثر افاداتی دلائل و وثوقیه مستند
بولندیغی جهتله بوجه زیر محضر قارئین
گرامه عرض اولنور:

نسوان بنی اسرائیل، تاریخک بویه متقدم
بردورنده کندینه مجاور و مماثل بولنان سائر
اقوام و قبائلده نظایرینه تصادف اولنمیه حق
برهیتمده، امثالنه کاملاً مغایر بر قیافتده، بزه
کورنیور. تورات شریف، نسوان یهودیه
ایکی مختلف دور تخصیص ایدیور. بونلرک
برنجیسی، خلقت عالمدن بنی اسرائیلک ارض
فلسطینده اختیار اقامت ایتدیکی زمانه؛
ایکنجیسی ده دور مذکوردن ایکنجی معبدک
انشاسنه قدر امتداد ایدیور. ایلک دورک
باشلیجه علامات فارقه و خواص میزه سی
ذکور و انانک اجراننده مشترک اولدقلری
عاداتک ساده لکی، کرک چادر آلتنده و کرک
آچیققلده امرار ایتدکلی حیاتک خصائص
متفرعه سیدر. بودور قادیلرک جمعیت بشریه ده
اشغال ایتدیکی موقع مدنی نقطه نظرندن
پک چوق احوالده قدیم یونانیلرک (قهر-
مانلر دوری) نه بکره یور. بو ایکی دور
تاریخی بیننده بر فرق وار ایسه، اوده

نسوانک یهودیلر نزدنده یونانیلردن زیاده
معزز و محترم صایلمی خصوصندن عبارتدر.
بوکا دلیل اولمق اوزره شونی اتیان ایدم.
بیلیرزکه یونانیلر (پاندور) تعبیر ایتدکلی
ایلک خلق اولان قادیلک، هر نوع مفاسد
و قباحه تشویق و تحریکه واسطه اولمق ایچون،
انسانه ترفیق ایدلدیکنی تصور ایتدکلی
حاله اسرائیلر حضرت (حوا) نک
تورات شریفک حکمنجه حضرت آدمه موافق
بر رفیق اولمق اوزره من طرف الله کندیسنه
احسان اولندیغنه اعتقاد ایدرلر.

بودورده یاشایان قادیلر — زوج
و عیالیه برلکده آچیققلده تعیش ایتدیکی
روایت اولنان حوا (ع) دن ماعداسی —
عموماً ایام حیاتلری چادر آلتنده امرار
ایدرلردی. بو چادرلر ایکی حجره یه تقسیم
اولنهرق بری قادیلرک اقامتیه
تخصیص اولنور، بعضاده قادیلرک هر برینک
آیروجه کندولرینه مخصوص بر چادرلری
بولنور ایدی. بونلرک مشغولیتلری پک
متعدد ایدی. قادیلر علی الصباح قالفهرق
اوقات یومیه سنی، امور بیتیه سنی
تنظیه، مأکولاتی طبخ و تهیه و عائله سینه
لازم اولان منسوجاتک اعمالنه صرف
ایدردی. مطبخ ایشنی دائماً اوک خانگی کورر
و بو خدمتی ایفا ایتمکله کندی شانیه خلل
کله چکی فکرینده بولماز ایدی. اولرده بعضاً
اوافق چو قیلرک امر تغذیه سینه مأمور بر
دایه بولنور و او افندیسی طرفندن حرمت
مخصوصیه مظهر اولور ایدی. قیزلر کلنجیه،
بونلر مشاغل بیتیه اشتراک ایتدکن باشقه
اغنام و مواشینک محافظه سی و وظیفه سیله ده
مکلف ایدیلر. بنات بنی اسرائیل، رعی
مواشی هنکامنده کندیلر یله همجوار و همقطار
بولنان دیگر جوانان پری منظر و دختران
زهرة پیکر ايله عقد بزم موانست و ربط
سلسله الفت ایدهرک قونوشور، کولوشورلر

واقشاهلری قویون سوریلرینی اوکلرینه
قاهره ق. مسروراً و مطیئاً چادرلرینه عودت
ایدرلردی. یهودی قیزلری مسکنلری خارجه
چیققلری ائساده، کافه نسوان شریفه
ایفاسی و جائب شرعیه دن معدود بولنان
قاعده تستره پک اعتنا ایتزلردی. فقط
بوعادت کشادگی قیزلرک موسم ازدواجی اولان
۱۲ — ۱۸ یاشلرینه قدر دوام ایدوب
آندن صوکره ترک ایدیلر ایدی.

بعضاده کنج قیز تزویج ایدلزدن مقدم،
ارکک طرفندن کندیسنه اظهار عشق و علاقه
اولنوردی. لکن عموماً رسم ازدواج بر
شخص ثالثک توسطیه تحت مشروعیته
کیردی. ابون ازدواجه طالب اولان
کسه نک آرزوسنه موافقت ایتدکلی حالده
بعضاً قیزکده رأینه مراجعت ایدیلردی.
شوقدر وارکه قیزک شان وصالتی نامزدندن
افزون مرتبه ده بولندیغی صورتده، حقنده
بر توجه مخصوص اثری اولمق اوزره، پدری
بلا استشاره قیزی آکا عقد ایدردی.
اصول نکاح، بنی اسرائیل میاننده
برقاعده معینه تابع طولازدی. یالکر
حضار جانبندن زوجینک سلامت و سعادت
حاللرینک دوام و بقاسی حقنده بر دعا و قونور
و بر وجه معتاد عروس و داماده رسم تحلیف
اجرا ایتدیلر ایدی. شریعت موسویه،
صورت مشروعه ده تعدد زوجاتی منع
ایتمه مشسده، علی الاصول بر زوجیه ايله
اکتفا اولنور ایدی.

نسوان بنی اسرائیلک عادات و اطوارنده
کورولن بوساده لکک، اکتسا ایتدکلی
البسیه ده شمولى وار ایدی. قادیلر، یالکر
ایام مخصوصه لرنده ظریف و پارلاق اثوابلر
کیرلر و احجار ثینه ايله تزیین جمال و اندام
ایدرلردی.

بنی اسرائیلک مصرده اسارتی زماننده
قادیلر، او قتلر قالای و باقر محلولندن